



Bersama **FIRKHAN**  
sembangict@yahoo.com

# Masalah *write protected*

**SAYA** tidak dapat memindahkan fail daripada USB Pen Drive ke dalam komputer dengan mengeluarkan mesej ralat, "*The disk is write protected. Remove the write protection or use another disk.*" Jadi, bagaimana untuk mengendalikan masalah ini?

**Hamba Allah, KL.**

Terima kasih. Jadi, pertama sekali kena pastikan sama ada pemacu storan USB tersebut mempunyai suis kecil di mana-mana bahagian badannya atau tidak. Sekiranya ada, pastikan suis itu tidak berada pada mod perlindungan tulis atau *Write Protect*.

Seterusnya dibincangkan penyelesaian secara logikal berkaitan mod perlindungan pada pemacu USB tersebut.

- 1** Lakukan pengimbasan virus untuk memastikan pemacu storan tersebut tidak dijangkiti oleh sebarang virus komputer. Pastikan kemas kini perisian anti-virus terlebih dahulu.
- 2** Semak dan pastikan kapasiti pemacu storan USB yang digunakan tidak memenuhi kuota sedia ada.
- 3** Pastikan fail yang hendak dipindahkan itu tidak bersifat baca sahaja atau read-only. Ini boleh disemak dengan klik kanan pada fail tersebut dan pilih *properties*. Di bahagian bawah tab *General*, pada menu *Attributes*, tidak diklik pilihan *Read-only*.
- 4** Boleh menggunakan utiliti *Diskpart* yang ada dalam Windows dengan menaip *Diskpart* pada ruangan *Search* di butang *Start* dan tekan *Enter*. Seterusnya, taip arahan *disk list* dan akan dipaparkan maklumat cakera yang ada termasuk pemacu cakera USB. Pastikan pemacu cakera USB tersebut dapat dikenal pasti. Sekiranya tidak, tidak boleh menggunakan utiliti ini. Langkah seterusnya taip arahan *select disk 3* sekiranya kedudukan pemacu cakera dalam senarai tersebut bernombor 3. Kemudian, taip attributes *disk clear readonly* dan tekan butang *Enter*.
- 5** Sekiranya tidak berjaya, boleh mencuba menggunakan utility *Regedit* dengan menaip *regedit* pada ruangan *Search* di butang *Start* dan tekan *Enter*. Dalam *Regedit* tersebut pergi ke *HKEY\_LOCAL\_MACHINE \SYSTEM \CurrentControlSet \Control \StorageDevicePolicies*. Cari attribute *WriteProtect* dan klik kanan dengan memilih *Modify*. Setkan nilainya kepada 0 dan klik butang *OK*.
- 6** Kaedah yang keempat dan kelima di atas agak teknikal dan memerlukan permerhatian yang lebih untuk melakukannya. Namun begitu ada alternatif lain dengan memasang perisian pihak ketiga untuk mod perlindungan tulis USB seperti *USB Write Protect 2.0*, *mUsbFixer*, *USB Write Protector* dan lain-lain ke dalam komputer. Ubah mod perlindungan tulis USB bagi pemacu storan USB dengan menggunakan perisian tersebut.

Sekiranya masih tidak berjaya tetapi fail tersebut boleh dibuka, simpan fail penting yang dibuka tersebut ke media storan yang lain. Sekiranya fail tersebut tidak boleh dibuka, berkemungkinan besar fail itu bermasalah atau pemacu storan USB yang digunakan tersebut rosak secara fizikalnya. Selamat mencuba.